

初

潭

集

初潭集卷之七

父子三

○一慧子

景帝時防年因繼母陳殺其父遂殺陳廷尉以大逆
獄帝疑之武帝年十二侍側對曰繼母如母緣父之
故今繼母殺其父下手之時母道絕矣是父仇也不
宜以大逆論帝從之

建和中嘗日食京師不見黃子琰祖太尉以狀聞太
后詔問所食多少太尉思其對而未知所况子琰年

七歲時在側曰何不言日食之餘如月之初

黃琬少失父曾祖香祖瓊瓊爲太尉琬以公孫拜童子郎時司徒盛允有疾瓊遣子琰候問會江夏上蠻賊事副府允發書視畢戲子琰曰江夏大邦而蠻多士少子琰奉手對曰蠻夷猾夏責在司徒

顧歡六歲家貧父使田中驅鵲歡作黃鵲賦而歸鵲食稻過半父怒欲撻之見賦乃止

吳祐年十二隨父恢到官恢欲殺青簡以寫經書祐諫曰今大人踰越五嶺遠在海濱舊多珍恠上爲國

家所疑下爲權威所望此書若成則載之兼兩音馬
援以薏苡興謗王陽以衣囊微名嫌疑之際誠先賢
所慎也恢乃止撫其首曰吳氏世不乏季子矣

陳太丘與友期行期日中過中不至太丘舍去去後
乃至元方時年七歲門外戲客問元方尊君在不答
曰待君久不至已去友人便怒曰非人哉與人期行
相委而去元方曰君與家君期日中日中不至則是
無信對子罵父則是無禮友人慚下車引之元方入
門不顧

有客詣陳太丘宿太丘使元方季方炊客與太丘論議二人進火俱委而竊聽炊者著箒飯落釜中太丘問炊何不餽元方季方無言太丘人與客語乃俱竊聽炊忘著箒飯今成廢太丘曰爾頗有所識不對曰彷彿志之二子俱說更相易奪言無遺失太丘曰如此但糜自可何必飯也

○孔融被收中外惶怖時融兒大者九歲小者八歲二兒故琢釘戲了無遽容融謂使者曰蕪罪止於一身二兒可得全不兒徐進曰大人豈見覆巢之下復有

完卵乎。尋亦收至。

○魏武時南方獻山雞。操欲其鳴。舞而無由。公子蒼舒取大鏡著其前。雞見形而舞不止。

○曹冲五六歲有成人之智。孫權曾致巨象。操欲知其重。冲曰。置象大船之上。而刻其水痕。所至稱物而載之。則可知矣。操大悅。

○魏明帝諱叡。以其母甄氏廢未立。爲嗣。文帝與俱獵。見子母鹿。文帝射其母。應弦而倒。復令帝射其子。帝泣曰。陛下已殺其母。臣不忍復殺其子。文帝曰。

好語動人心。遂定爲嗣。

王大將軍稱其兒云。其神候似欲可。

王平子與人書稱其兒風氣日上。足散人懷。

中朝有小兒。父病行乞藥。主人問病。曰。患瘧也。主人曰。尊侯明德君子。何以病瘧。答曰。來病君子。所以爲瘧耳。

梁國楊氏子。九歲甚聰慧。孔君平詣其父。父不在。乃呼兒出。爲設果。果有楊梅。孔指以示兒。曰。此是君家果。兒應聲答曰。未聞孔雀是夫子家禽。

○謝仁祖年八歲謝豫章將送客爾時語已神悟自參上流諸人咸共歎之曰年少一坐之顏回仁祖曰坐無尼父焉別顏回

○張玄之顧敷是顧和中外孫皆少而聰慧和並知之而嘗謂顧勝親重偏至張頗不厭於是張年九歲顧年七歲和與俱至寺中見佛般泥洹像弟子有泣者有不泣者和以問二孫玄謂被親故泣不被親故不泣敷曰不然當由忘情故不泣不能忘情故泣俱勝俱有規諷

晉明帝數歲坐元帝膝上有人從長安來元帝因問明帝汝意謂長安何如日遠答曰日遠不聞人從日邊來元帝異之明日集羣臣宴會更重問之乃答曰日近元帝失色曰爾何故異昨日之言答曰舉目見日不見長安

王長豫幼便和令丞相愛恣甚篤每共圍棋丞相欲舉行長豫按指不聽丞相笑曰詎得爾相與似有瓜葛

司空顧和與時賢共清言張玄之顧敷是中外孫年

並幼在牀邊戲於時聞語神情如不相屬瞑於燈下
二兒共叙客主之言都無遺失顧公越席而提其耳
曰不意衰宗復生此寶

○韓康伯數歲家酷貧至大寒止得襦母殷夫人自成
之令康伯捉熨斗謂康伯曰且著襦尋作複幘兒云
已足不須複幘也母問其故答曰火在熨斗中而柄
熱今旣著襦下亦當煖故不須耳母異之知爲國器
○張蒼梧是張憑之祖嘗語憑父曰我不如汝憑父未
解所以蒼梧曰汝有佳兒憑時年數歲歛手曰阿翁

詎宜以子戲父

○愍懷太子少便聰慧六七歲時宮中夜失火武帝登樓望火太子牽上衣裾使入閣中上問故對曰暮夜倉卒宜備非常不宜親近火光令照見人主常從帝觀豕牢言曰豕甚肥何不殺以享士而使久廢五穀乎帝嘉之卽烹豕

○高定是貞公鄧之子七歲時讀書至牧誓問奈何以臣伐君貞公曰應天順人定問用命賞于祖不用命戮于社豈是順人貞公不能答

○車胤父作南平郡功曹太守王胡之每出嘗於籬中見胤而異焉每遊集恒命之胤長又爲桓宣武所知清通於多士之世官至選曹尚書

○車胤字武子太守王胡之纔見胤卽謂其父育曰此兒當成卿門戶宜資令學問胤就業恭勤博覽不倦家貧不常得油夏月則練囊盛數十螢火以繼日及長風姿美劭機悟敏率桓溫在荊州取爲從事一歲至治中

○謝朓字敬冲謝莊子幼聰慧十歲能屬文莊遊土山

使拙命篇攬筆便就莊撫其背曰真吾家千金

○王儉幼篤學叔父僧虔曰我不患此兒無名政恐名太盛耳丹陽尹袁粲聞其名及見之曰宰相之門也

○栢豫章雖小已有棟梁氣矣終當任人家國事

○王僧祐幼聰悟叔父微撫其首曰兒神明意用當不作率爾人

○祖瑩少耽書父母恐其成疾禁不能止密於灰中藏火父母寢然後燃火讀書先以衣被蔽塞窓戶恐漏火光爲家人所覺故內外呼爲聖小兒焉

○陶季直丹陽秣陵人年四歲祖父異之以四函銀列置前令諸孫各取一季直獨不取曰若有賜當先父伯不應度及諸孫

○楊惛四世同居昆季就學者三十餘人幼時學庭有李樹實落羣兒爭取惟惛頽然獨坐季父嘒見而異之曰此兒恬裕有我家風遂爲惛別葺一室命處其中以銅盤具盛饌而飯焉因謂諸子曰汝輩若能如遵彥便得竹林別室銅盤重肉之食

○李崇幼以父賢功拜爵親族相賀崇獨泣下賢問之

對曰無勲於國。幼受列侯當報主恩。不得終孝養。是以悲耳。

嚴挺之子武。年八歲時。問其母曰。大人常厚玄英。未嘗省母何也。母曰。汝父嫌吾寢陋。枕席數宵。懷汝後。卽相棄矣。語罷。悽然哽咽。武亦憤惋。候父出。玄英方寢。武持鐵鎚。往擊其首。挺之歸。左右託言小郎君戲。運鐵鎚。致此挺之。卽呼武曰。汝是何等戲。武曰。焉有大朝人士。厚其侍妾。困辱兒之母乎。故須擊殺。非戲也。父笑曰。真嚴挺之兒。

○樂天女金鑾十歲忽書北山移文示家人樂天方買
終南紫石欲開文士傳遂以勒之

○二貌子

○有人語王戎曰嵇延祖卓卓如野鶴之在雞羣答曰
君○未○見○其○父○耳○
嵇紹不如父

○驃騎王武子是衛玠之舅有雋爽風姿見玠輒歎曰
珠○玉○在○側○覺○我○形○穢○又○嘗○與○同○遊○語○人○曰○昨○日○吾○與
外甥共坐若明珠之在側朗然來照人

王濟不如甥

○王濛美姿容嘗覽鏡自照稱其父字曰王文開生如
馨兒邪居貧帽敗自入市買之嫗悅其美遺以新帽
○謝車騎道謝公遊肆復無乃高唱但恭坐捻鼻顧眄
便自有寢處山澤間儀

善形容叔父

○馮偃長不滿七尺常自恥短陋恐子孫之似也乃爲
子伉娶長妻伉生勤長八尺三寸

○周燮生而欽頤折額醜狀駭人母欲棄之其父不聽

曰吾聞聖賢多有異貌與我宗者乃此兒也

○三官子

○顧憲之爲吏部郎中其祖愷之嘗爲吏部於庭中植嘉樹曰吾爲憲之植耳

○張嘉貞生延賞延賞生弘靖三代掌書命皆在台座前此未有楊巨源詩曰伊陟無聞祖嘉賢不到孫時稱其能與張家說門戶

南齊柳元伯之子五人皆領州五馬參差於亭

○卓吾曰兒異日爲官者必然幼而聰慧兒異日致

富貴者必定有致富貴之容故為人父者無不欲
其子之慧而貌美也而道學尤甚然道學多諱言
官諱言異日致富貴唯曰子願我家千金終爲至
聖大賢耳

初潭集卷之八

父子四

○一喪子

九 延陵季子適齊及其友也長子死葬於贏博之間孔子曰延陵季子吳之習於禮者也往而觀其葬焉其坎深不至於泉其歛以時服既葬而封廣輪掩坎其高可隱也既封左袒右還其封且號者三曰骨肉復歸於土命也若魂氣則無不之也而遂行孔子曰延陵季子於禮也其合矣乎

子夏哭其子而喪明曾子弔之曰朋友喪明則哭之
曾子哭子夏亦哭曰天乎予之無罪也會子怒曰商
汝何無罪也吾與汝事夫子於洙泗之間退而老於
西河之上使西河之民疑汝於夫子爾罪一也喪爾
親使民未有聞爾罪二也喪爾子喪爾明爾罪三也
子夏投其杖而拜曰吾過矣吾過矣

○孔門之孝主意要聞

金日磾二子武帝愛之以爲美兒其後弄兒壯大不
謹自殿下與宮人戲日磾適見之惡其淫亂遂殺弄

兒

曹公既殺楊德祖後與太尉遇於朝堂曹問太尉公何瘦之甚太尉答曰愧無日碑先見之明猶懷老牛舐犢之愛曹公爲之改容

豫章太守顧劭是雍之子劭在郡卒雍盛集僚屬自圍棋外故信至而無兒書雖神氣不變而心了其故以爪搯掌血流沾褥賓客既散方歎曰已無延陵之高豈可有喪明之責

王戎喪兒萬子山簡徃省之王悲不自勝簡曰孩抱

中物何至於此。王曰：聖人忘情，最下不及情。情之所鍾，正在我輩。簡以其言，更爲之慟。

○郗嘉賓以父愔忠於晉室，將亡，出一箱付門生云：本欲焚此，恐官年尊，必致傷慙。我亡若大損眠食，則呈此愔。後果慟悼成疾。門生乃呈箱，皆與桓溫往反密計。愔大怒曰：小子死恨，晚遂不復哭。

○愔真忠，超真孝。

○羊秉爲撫軍參軍，少亡。有令譽。夏侯孝若爲之叙極相讚悼。羊權爲黃門侍郎，侍簡文坐。帝問曰：夏侯湛

作羊秉叙絕可想是卿何物有後不權潛然對曰亡
伯令問夙軫而無有繼嗣雖名播天聽然胤絕聖世
帝嗟慨久之

崔瞻才學風流侍中李神儁語邢劭曰昨見崔懷兒
便爲後生第一我遂無此物使人傷懷

○二泛子

元帝生皇子普賜羣臣殷洪喬謝曰皇子誕育普天
同慶臣無勲焉而猥頒厚賚中宗笑曰此事豈可使
卿有勲耶

元魏高祖名子恂愉悅憚崔光名子劼勗勉高祖曰
我兒名傍皆有心卿兒名傍皆有力對曰所謂君子
勞心小人勞力

武陵王無寵於曲宴坐醉伏地貂抄肉杵武帝曰汗
貂對曰陛下愛其羽毛疎其骨肉李生曰此答不是
因代武陵答一轉語云陛下愛其骨肉臣敢惜其羽
毛

元凶篡立以顏延之爲光祿大夫先是延之子竣爲
世祖參軍及義師入討竣參定密謀兼造書檄劄召

延之示以檄文問曰此筆誰所造延之曰竣之筆也
問何以知之延之曰竣筆體臣不容不識又問言辭
何至乃爾延之曰竣尚不顧有老父何緣復有陛下
劭意遂釋

此延之所以能友陶淵明也

○謝宣映於曾公坐戲調其舅袁湛湛甚不堪之謂曰
汝父昔已輕舅汝今復來加我可謂世無渭陽情也
宋書曰謝景重是王胡之外甥與舅亦不協

○三俗父

阮思曠奉大法敬信甚至大兒年未弱冠忽被篤疾
兒既是偏所愛重爲之所請三寶晝夜不懈而兒遂
不濟於是結恨釋氏宿命都除孝標曰文王期盡聖
子不能駐其年釋種誅夷神力無以延其命若請禱
而望其靈匪驗而忽其道固陋之徒耳豈可以言神
明之智哉

阮太俗物劉太道理

孝武在西堂會伏滔預坐還下車呼其兒語之曰百
人高會臨坐未得他語先問伏滔何在在此不爲人

作笑如此何如

亦俗亦不俗

郗司空家有傖奴。知及文章。事事有意。王右軍向劉尹稱之。劉問何如。方回曰。此正小人有意向耳。何得便比方回。劉曰。若不如方回。故是常奴耳。

謝太傅語王右軍曰。中年傷於哀樂。與親友別。輒作數日惡。王曰。年在桑榆。自然至此。正賴絲竹陶寫。恒恐兒輩覺損欣樂之趣。

初潭集卷之九

兄弟上

客有見周公者應之於門曰何以道且也客曰在外
卽言外在內卽言內入乎將毋周公曰請入客曰立
卽言義坐卽言仁坐乎將毋周公曰請坐客曰疾言
則翕翕徐言則不聞言乎將毋周公曰唯唯明日興
師而誅管蔡

魏文侯謂扁鵲曰。子之兄。弟三人。孰爲最善醫。扁鵲對曰。長兄於病。祇神。未有形。而除之。故名不出於家。

中兄治病其在毫毛故名不出於閭若扁鵲者錢血
脉投毒藥敷肌膚間而名出聞於諸侯

○君侯將相理國治兵要不出此矣

○賈思伯與弟思同同師事北海陰鳳業竟無資酬謝
質其衣服時人語曰陰生讀書不免癡不識雙鳳脫
人衣

○此非癡也乃所志也彼蓋真知孔聖人留此一鉢
衣食飯以遺後人耳窮則開門受徒計束修羊獨
善其身達則駟馬高蓋擇美田宅兼善天下豈爲

癡哉

○孔長彥季彥兄弟聚徒數百時人爲之語曰魯國孔氏好讀經兄弟講誦皆可聽學士來者有聲名不過孔氏名不成多徒弟快哉○

○趙孝以父田禾將軍任爲郎每告歸白衣步擔嘗從長安還欲止郵亭亭長聞孝嘗過掃灑待之孝旣到長不肯內因問曰田禾將軍子何時到孝曰尋到矣顯宗皇帝聞孝名詔拜諫議大夫遷衛尉以弟禮爲

御史中丞十日一就衛尉府大官送供具令相對盡歡

○荀慈明與汝南袁閔相見問潁川人士慈明先及諸兄閔笑曰士但可因親舊而已乎慈明曰昔者祁奚內舉不失其子以爲至公公旦文王之詩不論堯舜之德而頌文武親親之義也荀爽一名諲時人諺曰荀氏八龍慈明無雙張璠漢紀曰董卓秉政徵爽爽欲遁去吏持之急起布衣九十五日而至三公王叔優與弟季道少時聞林宗有知人之鑒共往候

之問才行所宜以自處業林宗笑曰卿二人皆二千石才也然叔優當以仕宦顯季道宜以經術進若遠才易務亦不至也後叔優至北中郎將季道代郡太守

平原陶丘洪舉劉正禮爲茂才是劉岱弟刺史曰前年舉劉岱奈何復舉劉繇洪曰若使明君用岱於前擢繇於後所謂御二龍於長途騁騏驎於千里也何所復難

武陔字元夏沛國人父周魏光祿大夫陔及二弟歆

茂皆總角見稱鄉人諸父未能覺其多少時同郡劉公榮名知人周見其三子公榮曰君三子皆國士元夏器量最優有輔佐之風方仕宦可爲亞公叔夏季夏不減常伯納言也後陔官至左僕射陔嘗目王裴曰戎尚約楷清通亦知人

諸葛瑾字子瑜其先葛氏瑯琊諸縣人後徙陽都陽都先有姓葛者時人謂諸葛因爲氏焉瑾與弟亮及從弟誕並有盛名各在一國於時以爲蜀得其龍吳得其虎魏得其狗誕在魏與夏侯玄齊名瑾在吳吳

朝服其山量

○和嶠性至儉家有好李王武子求之與不過數十武
子因其上直平將少年能食之者持斧詣園飽共噉
畢伐之送一車枝與和公問曰何如君李語林曰嶠
諸弟往園中食李而皆計核責錢故嶠婦弟王濟伐
之也

○裴叔則營新宅甚麗當移住與兄共遊牀帳儼然軒
窗疎朗兄心甚欲之而口不言叔則心知其意便推
與兄住

○視計核責錢者爲何如世間故自有一種貪夫也然終勝口談仁義而心與嶠一般者

○羊長和父繇與太傅祐同堂相善仕至車騎掾蚤卒長和兄弟五人幼孤祐來哭見長和哀容舉止宛若成人廼嘆曰從兄不亡矣

○王夷甫語樂令名士無多人故當容平子知王澄別傳曰澄風韻邁達志氣不羣從兄戎兄夷甫名冠當年四海人士一爲澄所題目則二兄不復措意云已
經平子

王戎云太尉神姿高徹如瑤林瓊樹自然是風塵外物

○王平子目太尉阿兄形似道而神鋒太儻太尉曰誠不如卿落落穆穆

○洛中雅雅有三嘏劉粹字純嘏宏字終嘏漢字坤嘏是親兄弟並是王安豐文舉宏真長祖也洛中錚錚馬惠卿名孫是播子孫與邢喬俱司徒李胤外孫及胤子順並知名時稱馮才清李才明純粹邢

夷子躬子嵩之兄也丞相日子躬云八里弘然茂已

王人子躬有廢疾而甚知名家在城西號曰城西公府

○司馬太傅府多名士一時雋異庾文康曰兒子嵩在其中常自神王

○庾長仁初與諸弟入吳欲往亭中宿諸弟先上見羣小滿室都無相避意長仁曰我試觀之乃策杖將一小兒始入門諸客望其神姿一時退匿

○周仲智飲酒醉瞑目還面謂伯仁曰君才不如弟而橫得重名須臾舉蠟燭火擲伯仁伯仁笑曰阿奴火

攻固出下策耳。

○王修字敬仁，長史王濛子。修明秀有美稱，卒時年二十四。昔王弼之沒，與修同年，故修弟熙歎曰：「無愧於古人，而年與之齊也。」

○郝超與傅瑗周旋，瑗見其二子並總髮，超觀之曰：「小者才名皆勝，然保卿家終當在兄。」卽傅亮兄弟也。王子猷、子敬曾俱坐一室，上忽發火，子猷遽走避，不遑取屐，子敬神色怡然。徐喚左右扶憑而出，不異平常。世以此定二王神宇。

○子猷子敬共賞高士傳子敬賞并丹高潔子猷云未若長卿慢世

各人賞各人亦好

○殷覬病困看人政見半面殷荊州與晉陽之甲往與覬別涕零屬以消息所患覬答曰我病自當差正憂汝患耳

各人憂各人最是

○子敬兄翦平日見郗公躡履問訊甚修外甥禮及嘉賓死皆著高履儀容輕慢命坐皆云有事不得坐既

去。郗公慨然曰：「使嘉賓不死，鼠輩敢爾！」

二郗奉道，二何奉佛，皆以財賄謝中郎。云：「二郗詣於道，二何佞於佛。」

王僧惠輕林公，蓋田曰：「勿學汝兄，汝兄自不如伊兄。」人問王長史：「江彪兄弟羣從，王答曰：『諸江皆復足自生活。』」

何驃騎作會稽虞存弟，嘗作郡主簿，以何見客勞損，欲白斷常客，使家人節量，擇可通者，作白事，成以見存。存時爲何上佐，正與蹇同食，語云：「白事甚好，待我。」

初澤集
食畢作教食竟取筆題白事後云若得門庭常如郭
林宗者當如所白

○王恭隨父在會稽王大自都來拜墓恭暫往墓下看
之遂十餘日乃還父問恭何故多日對曰與阿大語
蟬連不得歸父語之曰恐阿大非爾之友終垂愛好
果如其言

○○王大爲吏部郎當作選草臨當奏王僧彌來聊出示
之僧彌得便以已意改易所選者近半王大甚以爲
佳更寫卽奏

○如此選郎千載一見

○王恭始與王建武甚有情後過袁悅之間遂致嫌隙然每至興會故有相思時恭嘗行散至京口射堂于時清露晨流新桐初引恭目之曰王大故自濯濯○司馬太傅爲二王目曰孝伯亭亭直上阿大羅羅清疎恭正亮沉烈忱通朗誕放故也

○殷仲堪喪後桓玄問仲文卿家仲堪定是何似人對曰雖不能休明一世足以映徹九泉

○孝武問王爽卿何如卿兄答曰風流秀出臣不如恭

忠孝亦何可以假人。

○桓南郡少時與諸從兄弟各養鵝共闢南郡鵝每不如甚以爲忿乃夜往鵝欄間取諸兄弟鵝悉殺之旣曉家人咸驚駭云是變惟以白車騎車騎曰無所致惟當是南郡戲耳。

○桓玄素輕桓崖崖在京下有好桃玄連就求之遂不得佳者玄與殷仲文書以爲嗤笑曰德之休明肅慎貢其楛矢如其不爾籬壁間物亦不可得也。

燕梁琛使秦琛從兄奕在秦爲尚書郎會罷秦王欲

田

令止奕舍琛曰昔諸葛兄弟各事一國及其聘集公朝相見退無私面奕數就邸問東國動靜琛曰今三方鼎據兄弟並蒙附寵今欲以東國事語君恐非西國之所願聞也

○崔氏兄弟六人皆官至三品宣帝歎曰卿一門孝友真可爲仕族法題其居曰德星堂京兆人又卽其里爲德星社

○何以孝友云官高自有聲

○劉訐與從兄歆各履高操族祖孝標曰訐超超越俗

如半天朱霞歛矯矯出塵如雲中白鶴皆儉歲之良
稷寒年之繼續

劉祭酒第璉方執正直祭酒嘗夜呼璉欲與共語璉
不時答下牀著衣立然後應祭酒恠其久璉曰向束
帶未竟

好腐物可講道學

郝子廉過姊飲留錢席下而去每行飲水輒投一錢
井中

唯敝名甚是故腐甚

○高渙兄溫與中丞高元裕友。舍溫請用渙爲御史。又謂渙曰：「高公甚欲與汝一面。」一面卽爲御史矣。渙曰：「然恐無呈身御史也。」

○此真道學可敬也。莫說他腐好。

○劉凝之志安。與兄盛公俱高尚。不仕。志安隱居荊州。適歲儉。衡陽王餉錢十萬。凝之大喜。持錢至市。見有饑者。悉分與之。酈道元水經註曰：凝之慕老萊。嚴子陵之爲人。立屋江湖。非力不食。妻梁州刺史郭全女。亦能安貧。元嘉中。夫妻隱於衡山。

○韋曼至延州見弟孝寬孝寬以所乘馬及轡勒與之
曼惡其華飾心弗欲之笑謂其弟曰昔人不棄遺簪
墜履者惡與之同出不與之同歸也卒乘舊馬而歸
可敬此道學真可敬

○顏含兄畿得疾就醫藥遂死醫家家人迎喪旛每遶
樹引喪者顛仆稱畿言曰我壽命未死但服藥太多
傷五臟耳今當復也其父祝之曰若當復是至願旛
乃解及還父夢之母及家人又夢之含乃發棺果有
生驗但氣息甚微飲哺將護累月猶不能言飲食所

須託之以蒙含遂絕棄人事躬親視養足不出戶者
十三年

○辛攀字懷遠隴西人父爽尚書郎兄覽曠弟寶迅皆
以才識知名秦雍爲之語曰五龍一門金友玉昆
○說甚金友玉昆只是五龍一門

○到茂灌與弟茂沿皆有文才兼善言理時人比之二
陸世祖嘗贈詩云魏世重雙丁晉朝稱二陸何如今
兩到復似凌寒竹

○蕭光祿子範與弟子顯子雲才名略相比而風采容

止不逮故官途有優劣每讀漢書杜緩兄弟五人至大官唯中弟欽官不至而最知名常吟諷之以况已崔儼諫議大夫其羣從兄弟數十人自興寧里謁大明宮冠蓋相望歲時宴於家以一榻置笏猶重積其上璘與弟太子詹事珪光祿卿瑤俱列榮戟世號三戟崔家

○何胤二兄求點並棲遁求先卒世號點爲大山胤爲小山又謂何氏三高何點或乘柴車或躡草屨恣心所適致醉而歸時人謂之通隱在法輪寺竟陵王子

良就見之黜角巾登席于良欣悅無已遺以嵇叔夜酒杯徐景山酒鎗

○阮孝緒著高隱傳分爲三品言行超逸名氏弗傳爲上品始終不耗姓名可錄爲中品掛冠人世棲心塵表爲下品中品唯載一百三十七人劉歊劉訐覽其書曰昔嵇康所贊缺一自擬今四十之數將待吾等成耶阮對曰所謂荀君雖幼後事當付鍾君若素車白馬之日輒獲麟於二子矣歊訐果卒乃益二傳及孝緒亡訐兄潔錄其遺行次篇末成絕筆之意云

○何叅軍思澄與族弟水部散騎俱擅文名時人爲之語曰東海三何子朗最多叅軍曰外言殊不爾如其不然故當歸遜

○陽城字亢宗好學貧不能得書求爲吏隸集賢院竊院書讀之六年無所不通去隱中條山與弟堦域易衣而出遇歲饑屏跡不過鄰里屑榆爲粥與兄弟講論不輟有奴都兒化其德亦方介自約或哀其餒與之食不受致糠覈乃受

初潭集卷之九

初潭集卷之十

○兄弟下

武王有疾二公曰我其爲王穆卜周公乃自以爲功
爲三壇同墠爲壇於南方北而植璧秉珪告於太王
王季文王願以旦代其身史冊祝以告歸而納冊
祝於金縢之匱中

○周公欲以身代兄之死旣以明告於神矣而卒不
死何耶然猶可委曰神不許我以死我豈敢自死
乎我直以明我欲代兄之心云耳非以祈人之知

我欲代兄之死也。則冊祝之詞。壇墠之設。瑤璧之
秉。金匱之納。何爲者哉。嗟曰。平地上起骨堆。此之
謂也。無風揚波。無事生事。一人好名。毒流萬世。卒
使管叔流言。新莽藉口。聖人之所作。爲道學之所
舉動。吾不知之矣。不有陳賈乎。陳賈曰。周公使管
叔監殷。管叔以殷畔。知而使之。是不仁也。不知而
使之。是不智也。此千古斷案也。不仁不智。從公擇
其一者可矣。

衛宣公夫人夷姜生太子伋。取齊女未入室。宣公見

其美說而自娶之生子壽子朔朔與母共讒惡太子
於宣公宣公目以其奪太子妻也亦心惡太子乃使
太子伋於齊而令盜遮界上殺之與太子白旄而告
界盜子壽知之以告太子太子曰逆父求生不可壽
見太子不可乃盜其白旄先馳至界盜殺之壽已殺
而太子伋至謂盜曰所當殺乃我也盜於是併殺太
子伋以報宣公宣公以朔爲太子

○卓吾曰伋與壽所謂視死如歸以死爲榮者耶伋
壽皆宣公子而壽又朔同母子若說父母種性不

應○產○此○聖○兄○聖○弟○明○矣○人○固○不○係○於○種○類○哉○雖○惡○
種○其○能○移○此○二○子○至○孝○至○友○之○真○性○哉○

李克兄弟二人貧無擔石之儲妻謂克曰今貧如此
妾有私財可以分異獨居克聞之乃請鄰里親戚前
跪白母顧其妻叱而遣之

○克○好○名○妻○愚○却○撞○著○伊○擲○柄○也○與○其○無○罪○遣○妻○孰○
若○分○與○兄○弟○私○財○乎○

太守第五倫舉許武孝廉武以二弟晏普未顯乃告
其二弟曰禮有分異之義家有別居之道因與二弟

共割財產爲三分武自取肥田廣宅奴婢強者二第
所得悉少鄉人以此皆稱二第克讓遂得還舉武
乃會宗親泣曰吾爲兄不肖盜聲竊位二弟年長求
豫榮祿所以求得分財自取大譏今理產所增三倍
於前悉以推付二弟於是郡中人士復翕然稱之
○亦假得便宜若能終身不訴不泣則雖假猶真也
田輝字叔都與兄威都俱稱純懿而叔都最知名郡
欲察授之輝恥越賢兄遂託病瘖人數恐灼輝持之
有度後居田舍連日陰雨友人張子平吉仲子等密

共穿穴奪輝衣衾窮夜獨處竟無聲響子平等因前
抱持而泣曰謂汝陽瘡避兄耳何意丘爾天喪斯文
吾儕何效乎積四歲威都果舉安定長史據輜垂綏
還鄉薦祖叔都沃醊神坐頻仰因語是月司隸太尉
大將軍同時並辟爲御史舉茂才

杜林得大便宜了左右假作醫藥愈可矣

杜林

初聽

杜林持喪歸旋復悔令楊

賢於隴邱遮殺之賢見林身持鹿車載致弟喪仰而
歎曰當今之時誰能如此吾何忍殺遂自亡去

○杜林常有楊賢難求

○陳元方子長文與季方子孝先各論其父功德爭之不能決咨於太丘太丘曰元方難爲兄季方難爲弟又曰元方難爲弟季方難爲兄

○荀靖字叔慈隱身修學動止合禮或問汝南許章荀爽與靖孰賢章曰二人皆玉也慈明外朗叔慈內潤○鍾毓鍾會少有令譽魏文帝聞之於是敕見毓面有汗帝曰卿何以汗毓對曰戰戰惶惶汗出如漿復問會卿何以不汗對曰戰戰慄慄汗不敢出

鍾毓兄弟小時值父晝寢因共偷服藥酒其父時覺且託寐以觀之毓拜而後飲會飲而不拜旣而問毓何以拜曰酒以成禮不敢不拜又問會何以不拜曰偷本非禮所以不拜會字士季繇少子敏惠夙成中護軍蔣濟異之司馬昭征諸葛誕會謀居多拜鎮西將軍伐蜀蜀平進位司徒自謂功名蓋世不可復爲人下私謂所親曰我淮南以來晝無遺策四海共知持此欲安歸乎遂反誅死死時年四十一

任城威王彰字子文卞后第二子剛勇而黃鬚北討

代郡獨與麾下百餘人突虜而出太祖聞而歎曰我黃鬚兒可用也文帝忌任城王驍壯因在下太后閣共圍棋並啖棗文帝以毒置諸棗蒂中自選可食者而進任城弗悟既中毒太后索水救之帝預敕左右毀餅罐太后徒跣趨井無以汲遂卒

好箇兄真好箇兄兄弟猶然何況他人其後曹丕子孫盡爲司馬屠戮天之報施不爽矣

○魏文帝旣害任城復恨東阿不已太后曰汝已殺我任城不得復殺東阿

文帝嘗令東阿王七步中成詩不成者行大法應聲
便爲詩曰煮豆持作羹漉豉以爲汁其在釜下燃豆
在釜中泣本自同根生相煎何太急
○覽此詩雖鐵爲肝鐵索爲腸亦軟矣○

○許虔字子政虔弟邵字子將邵聲未發時時人謂不
如虔虔恒撫髀稱邵白謂不如之邵山峙淵停行應
規表拔樊子昭於市肆出虞承賢於客舍召李叔才
於無聞擢郭子瑜於小吏時袁紹以公族爲濮陽長
史官還副車從騎將入郡界歎曰許子將秉持清格

豈可以吾輿服見之遂單馬而歸

○謝甄字子微汝南邵陵人明識人倫雖郭林宗不及謝甄之鑒也甄見許子將兄弟曰平輿之淵有二龍焉見許子政弱冠之時歎曰若子政者有幹國之器正色忠蹇則陳仲舉之匹伐惡退不肖范孟博之風世稱庾文康爲豐年王稚恭爲荒年穀

○周伯仁母冬至舉酒賜三子曰吾本謂渡江託足無所爾家有相爾等並羅列吾前吾復何憂周嵩起長跪而泣曰不如阿母言伯仁爲人志大而才短名重

而樂聞好乘人之敝此非自全之道嵩性狼抗亦不
容於世唯阿奴碌碌當在阿母目下耳

○真自知之明知兄之明也

王祥後母數以非理使祥祥後母弟覽輒與祥俱又
虐使祥婦覽妻亦趨而共之

劉廙兄望之劉表從事以正諫不合投傳告歸廙曰
趙殺鳴犢仲尼回輪今不能法柳下惠和光同塵於
內宜模范蠡遷化於外坐而自絕於時殆不可也望
之不從尋見害

謝萬北征惟以嘯詠自高未嘗撫將士謝公乃與俱
 行謂萬曰汝爲元帥宜數喚諸將宴飲以悅其心萬
 從之因召集諸將都無所說直以如意指四坐云諸
 君皆是勁卒諸將甚恨謝公審其必敗自隊主將帥
 以下無不身造厚相遜謝及萬敗軍中因欲除之乃
 云當爲隱士故

可以見謝公矣

過江初拜官與飭供饌羊曼拜丹陽尹客來蚤者並
 得佳設日晏漸罄不復及精隨客早晚不問貴賤羊

固拜臨海竟日皆美供雖晚至亦獲盛饌時論以固之豐華不如曼之真率

○戴安道旣厲操東山而其兄欲建式遏之業謝太傅曰卿兄弟志業何其大殊戴曰下官不堪其憂家弟不改其樂

○孟萬年及弟少孤居武昌萬年遊宦有盛名當世少孤未嘗出京邑人士思欲見之乃遣信報少孤云兄病篤狼狽至都時賢見之者莫不嗟重因相謂曰少孤如此萬年可死

○何驃騎弟準以高情避世而驃騎勸之令仕答曰余第五之名何必減驃騎準字幼道廬江人充第五弟也充位宰相而準散帶衡門不及世事于時名德皆稱之

宰相弟正好如此

○王大語東亭卿乃復論成不惡那得與僧彌戲續晉陽秋曰珉有雋才與兄珣並有名聲出珣右故時人爲之語曰法護非不佳僧彌難爲兄

○周伯仁爲吏部尚書在省內夜疾危急時刁玄亮爲

尚書令營救備親好之至良久小損明旦報仲智仲智狼狽來始入戶刀下林之大泣說伯仁昨危急之狀仲智手批之刀爲辟易於戶側旣前都不問病直云君在中朝與和長輿齊名那得與佞人刀協有情徑便出

○亦可想見其人

○周叔治作晉陵太守周侯仲智往別叔治以將別滄泗不止仲治恚之曰斯人乃婦人與人別唯涕泣便舍去周侯獨留與飲酒言語臨別流涕撫其背曰奴

好自愛。

許玄度將弟出都婚諸人無不欽遲既至見其弟乃甚癡都欲嘲棄之玄度爲作賓主相對劉真長笑曰玄度爲弟婚施十重鐵步障許珣魏中領軍許允元孫也。

子猷子敬俱病篤而子敬先亡子猷問左右何以都無消息此已喪矣便索輿來奔子敬素好琴便徑入坐靈牀取子敬琴彈弦既不調擲地云子敬子敬人俱亡因慟絕。

子敬疾屬續子猷曰吾才不如弟位亦通塞請以餘
年代弟有一師曰夫生代死者以已平限有餘得以
足亡者耳今賢弟命固當終君侯筭亦應盡復何所
代子猷先有背疾聞子敬亡便撫心悲惋都不得一
聲背卽潰裂

○觀此說則生者命長死者可代而子猷無可代之
年是以卒不得代耳然兄弟相知之痛如何可忍
也卒以撫心慟哭背潰疽裂而遂俱死傷哉初何
嘗有冊文金滕做出許多勞攘來耶

○吳道助附子兄弟居丹陽郡後遭母艱朝夕臨哭號
踊哀絕路人爲之落淚韓康伯時爲丹陽尹母殷在
郡每聞二吳之哭輒爲淒惻語康伯曰汝若爲選官
當好料理此人康伯後爲吏部尚書大吳不免哀制
小吳遂大貴達附子卽隱之後爲廣州刺史自酌食
泉而飲之因以賦詩是也

○○○王彬字世儒瑯琊人祖覽父正世將王廙親兄弟也
彬爽氣出儕類從兄敦下石頭害周伯仁彬與顗素
善往哭其尸甚慟旣見敦恠其有慘容彬曰向哭周

伯仁情不能已敦曰伯仁自致刑戮汝復何爲彬曰
伯仁何罪因數敦曰抗旌犯上殺戮忠良音辭慷慨
與淚俱下敦怒甚丞相在坐代爲之解命彬拜謝彬
曰有足疾比來見天子尚不能拜何謝之有敦曰脚
疾何如頸疾以親故得免害

王大將軍旣亡王應欲投世儒世儒爲江州王含欲
投王舒舒爲荊州含語應曰大將軍平素與江州云
何而汝欲歸之應曰此廼所以宜往也江州當人彊
盛時能抗同異此非常人所行及覩衰厄必興愍惻

荊州守文豈能作意表行事含不從遂共投舒舒果
沈含父子於江彬聞應當來密具船以待之
○嗟嗟子安得世儒而投之

韓靈珍靈敏兄弟性至孝母亡家貧無以葬兄弟種
瓜朝采暮還復生葬事由此舉

崔鴻弱冠有著述拜給事中崔光悌之子也光悌召
鴻弟而語之曰爾鴻已摩天去矣汝可不勉哉

吐谷渾阿豺有疾召母弟慕利延曰汝取一隻箭折
之慕利延折之汝取十九枝箭折之慕利延不能折

阿豺曰汝曹知乎單者易折衆者難摧戮力一心然後社稷可固

阿豺有子二十人恐其違害自相屠戮故因有疾召母弟語之以箭爲喻最親切

○范毓字穉春奕世儒業客居青州逮毓七世人號其家兒無常父衣無常主

○鈕滔母與弟書曰省爾譏我以養鵠戒我以衛懿之禍斯言惑矣衛懿之子民無後車之載鵠有乘軒之飾禍敗之由由乎失所乃若開圃匹於靈囿沃池矩

乎神沼、文魚躍於白水、素鳥翔乎神州、豈非周文之
德、大雅所修哉、夫嘉肴旨酒、非不美也、夏禹以興殷、
紂以滅、蓋置之失所矣、如其無失、來難何施、
張融仲兄緒亡、融齋酒於靈前、酌飲、慟哭曰、阿兄風
流頓盡、

和士開擅朝、曲求物譽、諸公因此頗爲子弟干祿、世
門之胄、多處京官、唯崔彥玄二子、獨爲外任、彥玄弟
廓之、從容言曰、拱與擴、幸不凡、何爲不在省府、彥玄
曰、吾立身以來、恥以一言自建、今若進兒與身、何異、